

赤水玄珠第七卷目錄

欬嗽門

喘門

氣短

氣促

少氣

產後喘

孝門

善悲

肺痿

肺癰

李門

侯門

廉門

少門

車門

郭門

趙門

齊不才和漢士卷目錄



赤水玄珠第七卷

新安生生子孫一奎著輯

咳嗽門

臟腑皆有欬

黃帝問曰肺之令人咳何也岐伯對曰五臟六腑皆令人欬非獨肺也帝曰願聞其狀岐伯曰皮

毛者肺之合也皮毛先受邪氣邪氣以從其合

也

此邪從外受之王注云邪謂寒氣

其寒飲食入胃從肺脉上

至於肺則肺寒

寒外

邪從受也

肺寒則外內合邪因而

客之則為肺欬

所謂肺先受邪也

五臟各以其時受病

王注云時謂正月也

非其時各傳以與之人與天地相參

故五藏各以治時感於寒則受病微則為欬甚

則為泄為痛乘秋則肺先受邪乘春則肝先受

之乘夏則心先受之乘至陰則脾先受之乘冬

則腎先受之帝曰何以異之岐伯曰肺欬之狀

欬而喘息有音甚則吐血

取大淵穴也

心欬之

狀則

心痛喉中介介如梗狀甚則咽腫喉痺

取太陵穴也

肝欬之狀欬則兩脇下痛甚則不可以轉轉則

兩肱下滿

取太衝穴也

脾欬之狀欬則右脇下痛陰

陰引肩背甚則不可以動動則欬劇

取太白穴也

腎

欬之狀欬則腰背相引而痛甚則欬涎

取太溪穴也

帝曰六腑之欬柰何安旣受病岐伯曰五臟之

久欬乃移於府脾欬不已則胃受之胃欬之狀

欬而嘔嘔甚則長虫出

取三里穴也

肝欬不已則膽

受之膽欬之狀欬嘔膽汁

取陽陵泉穴也

肺欬不已則

大腸受之大腸欬狀欬而遺失

取巨虛上廉也

心欬不

已則小腸受之小腸欬狀欬而失氣氣與欬俱

失

取巨虛下廉也

腎欬不已則膀胱受之膀胱欬狀欬

而遺溺

取委中穴也

久欬不已則三焦受之三焦欬

狀欬而腹滿不欲食飲此皆聚於胃關於肺使

人多涕唾而面浮腫氣逆也

取支溝穴

帝曰治之柰

何岐伯曰治臟者治其俞治府者治其合浮腫

者治其經

見論

按素問曰咳嗽煩冤

是腎氣之逆也

示從一陽

陽

發病少氣善欬善

此

夏脉不及則令人上見

咳唾下為氣泄

凡咳嗽面赤胸腹脇常熱惟於足乍有涼時其脉
洪者熱痰在胃膈也宜小陷胃湯礞石丸之類
清膈降痰甚而不已者宜吐下其痰熱也面白
悲噫或脇急脹痛或脉沉絃細遲而咳者寒飲
在胃腹也宜辛熱去之

脉治

脉經曰關上脉微為欬

脉緊者肺寒雙弦寒者

欬而脉弦澀為少血

浮緊者虛寒

脉細傷濕

脉浮而緩傷風

數則為熱沉數者裏熱

脉弦為水偏弦為飲

洪滑多痰

脉沉為留飲

肺脉微急為欬而唾血

欬脉浮直者生

浮軟者生

欬證死脉

欬而脉緊者

欬而羸瘦脉形堅大者

肌瘦下脱形熱不去

欬而脱形發熱脉小堅急者

咳而嘔腹脹且泄其脉弦急者皆死不治

仲景曰人嗽十年其脉弱者可治實大數者死其
脉虛者必苦冒其人本有支飲在胃中故也治
屬飲家上氣面浮腫有息其脉浮大不治又
加利尤甚脉浮短者其人肺傷諸氣微少不
過一年死法當嗽也欬嗽羸瘦脉形堅大者
死欬而脫形身熱脉小堅急以疾是逆也不
過十五日死全文見診

論欬與嗽本一證

子和云內經陰陽應象論云秋傷於濕冬生欬嗽

五臟生成篇云欬嗽上氣診要經終篇云春刺
秋分環為欬嗽示從容篇云欬嗽煩寃者腎氣
之逆也此四篇中連言咳嗽其餘篇中止言欬
而不言嗽如生氣通天論云秋傷於濕上逆而
咳與大象論文義同而無嗽字乃知咳即嗽明
謹按欬與嗽本兩字義內經已作一證連言之愚
詳大抵欬者氣動也陽也嗽者兼血也陰也况
是證其本雖殊其標則一故世俗不以為疑唯
繫古發內經微旨其義見下

病機要云欬謂無痰而有聲肺氣傷而不清也
嗽謂無聲而有痰脾濕動而為痰也咳嗽謂有
聲有痰也因傷肺氣動於脾濕而然也夏月嗽
而發熱者謂之熱嗽小柴胡四兩加石膏一兩
知母半兩冬月嗽而發寒熱謂之寒嗽小青龍
加杏仁服之蜜煎生姜湯蜜煎橘皮湯燒生姜
胡桃皆治無痰而嗽者此乃大例更當隨時隨
證加減之痰而能食者大承氣微下之痰而不
能食者厚朴湯主之

論嗽分六氣無熱無寒

子和因素問言皮毛者肺之合也邪因而客之則為肺欬後人見是斷嗽然可以辯其六者之狀風乘肺者日夜無度汗出頭痛痰涎不利

熱乘肺者急喘而嗽面赤舌熱手足寒乳子亦多有之

火乘肺者咳喘上壅涕唾衄血甚者七竅血溢燥乘肺者氣壅不利百節痠痛頭面汗出寒熱往來皮膚乾燥細瘡燥拜大便秘澁涕唾粘稠

寒乘肺者或因形寒飲冷冬月卧湿地或冒冷風寒秋冬水令中感之嗽急而喘此非六氣之云耳

論濕痰主嗽

潔古曰嗽者秋傷于濕積於脾經曰秋傷於濕冬必欬嗽大抵素秋之氣宜清而肅反動之則氣必上衝而為欬嗽甚則動于濕而為痰也是知脾無留濕雖傷肺氣不為痰也有痰者寒少熱多各隨五臟而治之假令濕在肝經謂之風痰

也。濕在心經謂之熱痰，濕在脾經謂之濕痰，濕在肺經謂之氣痰，濕在腎經謂之寒痰。宜隨證而治之。欬而無痰者以辛甘潤其肺，欬而嗽者治痰為先。故以高星半夏勝其痰而嗽自愈。枳殼陳皮利其氣而痰自下。

劉宗厚曰：按此論，因濕在於經致痰為欬，五臟亦皆有之，可謂發內經之秘矣。然至氣鬱津液不降，或停水飲所致，或腎氣虛弱，火炎水涸，津液湧而為痰，涎於上，此氣飲及真臟為病，非諸

經留濕致病也故易老云半夏止能洩痰之標而不能治痰之本是矣

丹溪曰咳嗽有風寒有火有痰有勞有肺脹風寒者鼻塞聲重惡寒是也宜發散行痰又有聲啞及喘嗽遇冬則發皆為寒包熱也解表則熱自除感冷則嗽膈上有痰也宜解表豁痰火者有聲痰少面赤是也勞者盜汗出薰痰多吐紅作寒熱是也宜補陰清金痰者嗽動便有痰出痰出嗽止是也主豁痰肺脹者動則喘滿氣急聲

重者是也宜收斂此因火傷極遂成抑遏脹滿
肺脹抑遏不得眠者難治

飲水一二口而暫止者熱嗽也呷熱湯而暫停者
冷嗽也熱嗽以小柴胡湯冷嗽理中湯並加五
味子

又有先因傷濕傷寒解利不盡病雖退然飲食減
少不生肌肉身倦無力稍勞則躰熱痠痛狀如
勞症但不吐血不發潮熱經二三年此是餘毒
伏在經絡其脉弦再發則愈

又有咳而不思食飲此皆痰聚於胃關於肺令人
多涕唾而面浮腫此氣逆也謂氣上逆肺壅而
不下治以異功白朮散

治嗽最要分肺虛實新嗽挾虛者可用人參風寒
邪盛及久嗽熱鬱者切不可用五味子亦然
凡飲酒後嗽甚者熱嗽也飲酒後嗽減者寒嗽也

涎稠黃者為熱青白者為寒

凡嗽春是春升之氣或外感夏是火炎上最重秋
是濕熱傷肺冬是風寒外束也